



SLUŽBENI GLASNIK OPĆINE JABLANICA

broj 1/2023.





**SADRŽAJ**

Red. br.	N A Z I V A K T A	Strana
1.	Odluka o dodjeli općinskih javnih priznanja u 2023. godini	
2.	Odluka o finansiranju političkih subjekata iz Budžeta općine Jablanica za 2023. godinu	
3.	Odluka o visini naknade za rad članova Općinske izborne komisije Jablanica za 2023. godinu	
4.	Odluka o utvrđivanju naknade RVI I grupe sa 100 % vojnog invaliditeta u 2023. godini	
5.	Odluka o utvrđivanju novčane naknade za pomoć u prehrani djeteta do šest mjeseci i dodatne prehrane za majke dojilje u 2023. godine	
6.	Odluka o utvrđivanju novčane naknade za prevoz djece sa autizmom u 2023. godini	
7.	Odluka o utvrđivanju novčane naknade za osobe oboljele od celijakije u 2023. godini	
8.	Odluka o utvrđivanju novčane naknade za osobe na hemodijalizi u 2023. godini	
9.	Odluka o utvrđivanju prosječne konačne građevinske cijene iz prethodne godine 1 m ² korisne stambene površine na području općine Jablanica	
10.	Odluka o utvrđivanju visine naknade za preuzeto građevinsko zemljište	
11.	Odluka o izmjeni Odluke o imenovanju Komisije za izbor, imenovanja i mandatno-imunitetska pitanja	
12.	Odluka o izmjenama Odluke o komunalnoj naknadi	
13.	Odluka o finansiranju sporta u općini Jablanica za 2023. godinu	
14.	Zaključak o odbijanju ponude za otkup zemljišta	
15.	Zaključak o odbijanju ponude za otkup suvlasničkog dijela zemljišta	
16.	Odluka o načinu korištenja poslovnih prostorija	
17.	Zaključak o davanju saglasnosti na Odluku o načinu korištenja poslovnih prostorija	
18.	Zaključak u vezi sanacije magistralnog puta	
19.	Zaključak o usvajanju Inicijative Kluba vijećnika Đemal Macić i Amira Mursel-Čilić za izradu Odluke o proglašenju najbolje podružnice MZ i savjeta MZ Općine Jablanica	
20.	Zaključak o usvajanju Inicijative Kluba vijećnika Đemal Macić i Amira Mursel-Čilić za izmjenu Odluke o stipendijama	





Na osnovu člana 13. Zakona o principima lokalne samouprave u F BiH („Službene novine FBiH”, broj: 49/06), člana 18. Statuta Općine Jablanica („Službeni glasnik općine Jablanica“, broj: 2/09, 8/16 i 2/20) i člana 15. Odluke o općinskim javnim priznanjima („Službeni glasnik općine Jablanica“, broj: 5/08), Općinsko vijeće Jablanica na 25. sjednici održanoj dana 31.01.2023. godine, d o n i j e l o j e:

ODLUKU **o dodjeli općinskih javnih priznanja u 2023. godini**

Član 1.

U povodu Dana općine Jablanica - 22. februara, Općinsko vijeće Jablanica dodjeljuje općinsko javno priznanje:

„**Povelja sa zlatnim grbom Općine Jablanica**“, i to:

Udruženju žena „Most“ Jablanica za doprinos i postignute rezultate na unapređenju uslova života u Jablanici i afirmaciji ugleda Jablanice u Bosni i Hercegovini i inostranstvu.

Član 2.

Priznanje iz člana 1. ove Odluke uručiće se na svečanoj sjednici Općinskog vijeća u povodu Dana općine Jablanica - 22. februara.

Član 3.

Ova Odluka stupa na snagu danom objavljivanja u „Službenom glasniku općine Jablanica“.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE

Broj:02-02-238-3/23-25
Jablanica, 31.01.2023.g

PREDSJEDAVALAČI OV-a
Emir Muratović,BA ing.građ.,s.r.

Na osnovu člana 3. Zakona o finansiranju političkih stranaka (Službeni glasnik BiH 95/12), člana 18. Statuta općine Jablanica („Službeni glasnik općine Jablanica“, broj: 2/09, 8/16 i 2/20) i člana 17. Poslovnika o radu Općinskog vijeća općine Jablanica („Službeni glasnik općine Jablanica“, broj: 4/09, 7/10, 7/15 i 8/16), a shodno članu 22. stav 5. Odluke o izvršenju Budžeta-Proračuna Općine Jablanica za 2023. godinu („Službeni glasnik Općine Jablanica“, broj: 10/22) Općinsko vijeće općine Jablanica na 25. sjednici održanoj dana 31.01.2023. godine, donijelo je:

ODLUKU **o finansiranju političkih subjekata iz Budžeta Općine Jablanica za 2023. godinu**

Član 1.

Ovom Odlukom utvrđuje se finansiranje političkih subjekata iz Budžeta Općine Jablanica za 2023. godinu i to: raspodjela sredstava po političkim subjektima i način doznake i obračuna sredstava političkim subjektima.

Član 2.

Raspored sredstava za finansiranje političkih subjekata iz Budžeta općine Jablanica za 2023. godinu, koji participiraju u Općinskom vijeću Jablanica, vrši se na način da se od predviđenog iznosa sredstava za političke subjekte Budžetom – Proračunom Općine Jablanica za 2023. godinu, 30% od ukupno planiranog iznosa sredstava raspoređuje jednako svim političkim subjektima (političkim strankama, nezavisnim kandidatima, samostalnim vijećnicima i koalicijama), dok se 70% od ukupno planiranog iznosa raspoređuje srazmjerno broju vijećničkih mandata koliko ih politički subjekt ima u trenutku raspodjele.

**Član 3.**

Sredstva se doznačavaju na transakcijski ili žiro-račun u banci koji ima politička stranka, koalicija, nezavisni kandidat i samostalni vijećnik i to srazmjerni dio u skladu sa članom 2. ove Odluke.

Na transfere koji se doznačavaju nezavisnim i samostalnim vijećnicima na njihove tekuće račune, isplatalac je dužan prilikom isplate istih na propisan način obračunati, obustaviti i uplatiti porez i doprinose u skladu sa Zakonom o porezu na dohodak i Zakonom o doprinosima.

Član 4.

Ukoliko je posebnim ugovorom između nezavisnih kandidata ili drugih političkih subjekata regulisan način raspodjele novčanih sredstava koja pripadaju nezavisnim kandidatima ili drugom političkom subjektu sredstva koja na osnovu člana 2. ove Odluke pripadaju nezavisnim kandidatima ili drugim političkim subjektima će se doznačiti na osnovu odredbi ugovora.

Član 5.

Vijećnik koji istupi iz političke stranke ili koalicije i nastavak mandata obavlja kao samostalni vijećnik ima pravo na učešće u raspodjeli 70% budžetskih sredstava predviđenih za finansiranje političkih subjekata koji participiraju u Vijeću i to u iznosu koji se srazmjerno utvrđuje po vijećničkom mandatu iz člana 2. ove Odluke.

Politički subjekt koji u mandatnom periodu ostane bez ijednog vijećnika zadržava pravo na pripadajući dio od 30% sredstava iz člana 2. ove Odluke.

Član 6.

Za realizaciju ove Odluke zadužuje se Služba za lokalni ekonomski razvoj, investicije, finansije i trezor.

Član 7.

Ova Odluka stupa na snagu danom objavljivanja u „Službenom glasniku Općine Jablanica“.

Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE

Broj:02-02-238-4/23-25
Jablanica, 31.01.2023.g

PREDSJEDAVAJUĆI OV-a
Emir Muratović,BA ing.građ.,s.r.

Na osnovu člana 2.12 stav 9. Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), člana 1. stav 2. i člana 2. stav 2. Odluke o visini naknade za rad članova izborne komisije osnovne izborna jedinice u Bosni i Hercegovini („Službeni glasnik BiH“, broj: 27/22) i člana 18. Statuta Općine Jablanica („Službeni glasnik općine Jablanica“, broj: 2/09, 8/16 i 2/20) Općinsko vijeće Općine Jablanica na 25. sjednici održanoj dana 31.01.2023. godine, d o n o s i:

O D L U K U**o visini naknade za rad članova Općinske izborne komisije Jablanica za 2023. godinu****Član 1.**

Članovi Općinske izborne komisije imaju pravo na stalnu mjesečnu naknadu za svoj rad u iznosu od 150,00 KM.

Član 2.

Sredstva za naknade iz člana 1. i 2. ove Odluke obezbjeđuju se u Budžetu općine, a isplata se vrši istovremeno sa isplatom mjesečnih paušala vijećnika.



Član 3.

Ova Odluka stupa na snagu danom objavljivanja u „Službenom glasniku općine Jablanica“.

Federacija Bosne i Hercegovine
Hercegovačko-neretvanski kanton

OPĆINA JABLANICA

OPĆINSKO VIJEĆE

Broj:02-02-238-5/23-25

Jablanica, 31.01.2023.g

PREDSJEDAVALAČI OV-a

Emir Muratović,BA ing.građ.,s.r.

Na osnovu člana 18. Statuta Općine Jablanica („Službeni glasnik općine Jablanica“, broj : 2/09, 8/16 i 2/20) u skladu sa članom 24. Odluke o izvršenju budžeta općine Jablanica za 2023. godinu („Službeni glasnik Općine Jablanica“, broj:10/22) Općinsko vijeće Jablanica na 25.sjednici održanoj dana 31.01.2023. godine, d o n o s i:

ODLUKU**o utvrđivanju naknade RVI I grupe sa 100% vojnog invaliditeta**

Član 1.

Ratnim vojnim invalidima I grupe sa 100% vojnog invaliditeta sa prebivalištem na području općine Jablanica, kojima je rješenjem nadležne ljekarske komisije utvrđena tuđa njega i pomoć radi poboljšanja socijalnog statusa i uslova života i pomoći u nabavi ortopedskih pomagala određuje se mjesečna naknada u iznosu od po 150,00 KM (stotinu i pedeset konvertibilnih maraka).

Član 2.

Za realizaciju ove Odluke zadužuje se Služba za opću upravu, društvene djelatnosti, boračko-invalididsku zaštitu, socijalna pitanja i zajedničke poslove i Služba za lokalni ekonomski razvoj i investicije, finansije i trezor koja će utvrđene mjesečne naknade iz člana 1. ove Odluke uplaćivati svakog mjeseca do 15-tog u mjesecu za tekući mjesec na transakcijski račun JU Centar za socijalni rad općine Jablanica, koji će vršiti isplate naknade RVI-dima sa 100% vojnim invaliditetom I grupe, kojima je rješenjem ljekarske komisije utvrđeno pravo na tuđu njegu i pomoć.

Član 3.

Budžetska pozicija sa koje će se realizovati ova Odluka je konto 614000 tekući transferi i drugi tekući rashodi u budžetu općine Jablanica za 2023. godinu-podrška paraplegičarima.

Član 4.

Ova Odluka stupa na snagu danom objavljivanja u „Službenom glasniku Općine Jablanica“, a primjenjivat će se u budžetskoj 2023. godini.

Federacija Bosne i Hercegovine
Hercegovačko-neretvanski kanton

OPĆINA JABLANICA

OPĆINSKO VIJEĆE

Broj:02-02-238-6/23-25

Jablanica, 31.01.2023.g

PREDSJEDAVALAČI OV-a

Emir Muratović,BA ing.građ.,s.r.

Na osnovu člana 18. Statuta Općine Jablanica („Službeni glasnik općine Jablanica“, broj: 2/09), u skladu sa članom 24. Odluke o izvršenju budžeta općine Jablanica za 2023. godinu („Službeni glasnik Općine Jablanica“, broj:10/22), a u vezi sa članom 14. tačka e. Zakona o zaštiti porodice s djecom („Službene novine HNK“, broj: 7/17), Općinsko vijeće Jablanica je na 25. sjednici održanoj dana 31.01.2023. godine, donijelo

**ODLUKU****o utvrđivanju prava i dodjeli pomoći u prehrani djeteta do šest mjeseci i dodatna prehrana za majke – dojilje****Član 1.**

Ovom odlukom utvrđuje se pravo na jednokratnu novčanu pomoć za novorođeno dijete, njena visina, postupak i način ostvarivanja prava, način finansiranja i druga pitanja od značaja za priznavanje prava.

Član 2.

Pravo na novčanu pomoć priznaje se za svako novorođeno dijete u porodici u 2023. godini ukoliko majka djeteta ima prijavljeno mjesto prebivalište na području općine Jablanica (izvršen upis djeteta u matične knjige rođenih na području Općine Jablanica), i to :

- Za prvo dijete u iznosu od 500,00 KM (slovima: petstotina konvertibilnih maraka),
- Za drugo dijete u iznosu od 1.000,00 KM (slovima: hiljadu konvertibilnih maraka),
- Za treće dijete u iznosu od 1.500,00 KM (slovima: hiljadupetstotina konvertibilnih maraka),
- Za četvrto dijete u iznosu od 2.000,00 KM (slovima: dvijehiljade konvertibilnih maraka), te
- za peto i više novoređene djece u porodici u iznosu od 2.500,00 KM (slovima: dvijehiljadepetstotina konvertibilnih maraka).

Član 3.

O pravu na jednokratnu novčanu pomoć za novorođeno dijete odlučuje JU Centar za socijalni rad Jablanica, dok po žalbama na rješenja donesena u prvostepenom postupku rješava Žalbena komisija Općinskog vijeća Jablanica.

Član 4.

Za realizaciju ove Odluke zadužuju se: Služba za opću upravu, društvene djelatnosti, boračko-invalidsku zaštitu, socijalna pitanja i zajedničke poslove Služba za lokalni ekonomski razvoj i investicije, finansije i trezor koja će utvrđene mjesečne naknade iz člana 2. ove Odluke uplaćivati svakog mjeseca do 15-tog u mjesecu za predhodni mjesec na transakcijski račun JU Centar za socijalni rad općine Jablanica, koji će vršiti isplate korisnicima naknade.

Član 5.

JU Centar za socijalni rad Jablanica je dužan da vodi evidenciju korisnika i izvršenih isplata, te da mjesečni zbirni izvještaj dostavlja Služba za lokalni ekonomski razvoj i investicije, finansije i trezor Općine Jablanica.

Član 6.

Budžetska pozicija sa koje će se realizovati ova Odluka je konto 614000 tekući transferi i drugi tekući rashodi u Budžetu općine Jablanica za 2023. godinu – Pomoć u prehrani djeteta do 6 mjeseci i dodatna prehrana za majke dojilje.

Član 7.

Ova Odluka stupa na snagu danom objavljivanja u "Službenom glasniku Općine Jablanica", a primjenjivat će se u budžetskoj 2023. godini.

Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE

Broj:02-02-238-7/23-25
Jablanica, 31.01.2023.g

PREDSJEDAVAJUĆI OV-a
Emir Muratović, BA ing. građ., s.r.



Na osnovu člana 18. Statuta Općine Jablanica („Službeni glasnik općine Jablanica“, broj : 2/09, 8/16 i 2/20), u skladu sa članom 24. Odluke o izvršenju budžeta općine Jablanica za 2023. godinu („Službeni glasnik Općine Jablanica“, broj: 10/22) Općinsko vijeće Jablanica na 25. sjednici održanoj dana 31.01.2023. godine, donosi

O D L U K U

o utvrđivanju novčane naknade za prijevoz i pomoć porodicama djece sa autizmom

Član 1.

Za porodice sa prijavljenim mjestom prebivališa na području općine Jablanica, kod čije djece je dijagnosticiran autizam, radi poboljšanja socijalnog statusa i uslova života, a prvenstveno pomoći u prijevozu za školovanje i liječenje, nabavci medikamenata i sl. određuje se mjesečna naknada (pomoć) .

Pravo na naknadu iz prethodnog stava se utvrđuje do navršenih 18 godina života.

Član 2.

U Budžetu-Proračunu Općine Jablanica za 2023. godinu za namjenu iz člana 1. ove Odluke je predviđen iznos od 20.000,00 KM to jest mjesečno 1.666,67 KM.

Visina naknade će se obračunavati tako da se određuje osnovica za sve korisnike koja se srazmjerno uvećava u zavisnosti da li se djeca školuju u Sarajevu ili Mostaru.

Mjesečne naknade će se isplaćivati u jednakim dijelovima za sve korisnike iste kategorije u skladu sa kriterijima i raspoloživim budžetskim sredstvima određenim za ovu namjenu i u zavisnosti od broja djece.

Član 3.

Za realizaciju ove Odluke zadužuju se:

- Služba za opću upravu, društvene djelatnosti, boračko-invalidsku zaštitu, socijalna pitanja i zajedničke poslove koja će pratiti realizaciju ove Odluke,
- Služba za lokalni ekonomski razvoj i investicije, finansije i trezor koja će mjesečne tranše iz ove Odluke uplaćivati svakog mjeseca do 15-tog u mjesecu za tekući mjesec na transakcijski račun JU Centar za socijalni rad općine Jablanica,
- JU Centar za socijalni rad općine Jablanica koji će vršiti obračun i isplate naknada porodicama djece sa autizmom.

Član 4.

Budžetska pozicija sa koje će se realizovati ova Odluka je konto 614000 tekući transferi i drugi tekući rashodi u Budžetu-Proračunu Općine Jablanica za 2023. godinu-novčana podrška sugrađanima za prevoz djece sa autizmom.

Član 5.

Ova Odluka stupa na snagu danom objavljivanja u „Službenom glasniku Općine Jablanica“, a primjenjivat će se u budžetskoj 2023. godini.

Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE

Broj:02-02-238-8/23-25
Jablanica, 31.01.2023.g

PREDSJEDAVAJUĆI OV-a
Emir Muratović,BA ing.građ.,s.r.

Na osnovu člana 18. Statuta Općine Jablanica („Službeni glasnik općine Jablanica“, broj : 2/09, 8/16 i 2/20), u skladu sa članom 24. Odluke o izvršenju budžeta općine Jablanica za 2023. godinu („Službeni glasnik Općine Jablanica“, broj:10/22) Općinsko vijeće Jablanica na 25. sjednici održanoj dana 31.01.2023. godine, donosi



O D L U K U
o utvrđivanju novčane naknade za osobe oboljele od celijakije

Član 1.

Za lica sa prijavljenim mjestom prebivališa na području općine Jablanica, kod kojih je dijagnosticirana bolest celijakija, radi poboljšanja socijalnog statusa i kvalitete života, a prvenstveno pomoći u nabavci bezglutenskih namirnica utvrđuje se pravo na mjesečnu naknadu (pomoć).

Član 2.

U Budžetu-Proračunu Općine Jablanica za 2023. godinu, za namjenu iz tačke 1. ove Odluke je predviđen iznos od 10.000,00 KM, to jest mjesečno 833,33 KM.

U toku budžetske 2023.godine sredstva će se ravnomjerno raspoređivati na korisnike, tako da će se mjesčne naknade će se isplaćivati u jednakim dijelovima u skladu sa raspoloživim budžetskim sredstvima određenim za ovu namjenu.

Član 3.

Za realizaciju ove Odluke zadužuju se:

- Služba za opću upravu, društvene djelatnosti, boračko-invalidsku zaštitu, socijalna pitanja i zajedničke poslove koja će pratiti realizaciju ove Odluke,
- Služba za lokalni ekonomski razvoj i investicije, finansije i trezor koja će mjesečne tranše iz ove Odluke uplaćivati svakog mjeseca do 15-tog u mjesecu za tekući mjesec na transakcijski račun JU Centar za socijalni rad općine Jablanica,
- JU Centar za socijalni rad općine Jablanica koji će vršiti obračun i isplate naknada licima oboljelim od celijakije.

Član 4.

Budžetska pozicija sa koje će se realizovati ova Odluka je konto 614000 tekući transferi i drugi tekući rashodi u Budžetu-Proračunu Općine Jablanica za 2023. godinu-podrška sugrađanima (celijakija).

Član 5.

Ova Odluka stupa na snagu danom objavljivanja u „Službenom glasniku Općine Jablanica“, a primjenjivat će se u budžetskoj 2023. godini.

Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE

Broj:02-02-238-9/23-25
Jablanica, 31.01.2023.g

PREDSJEDAVAJUĆI OV-a
Emir Muratović,BA ing.građ.,s.r.

Na osnovu člana 18. Statuta Općine Jablanica („Službeni glasnik općine Jablanica“, broj : 2/09, 8/16 i 2/20), u skladu sa članom 24. Odluke o izvršenju budžeta općine Jablanica za 2023. godinu („Službeni glasnik Općine Jablanica“, broj:10/22) Općinsko vijeće Jablanica na 25. sjednici održanoj dana 31.01.2023. godine, donosi

O D L U K U
o utvrđivanju novčane naknade za osobe na hemodijalizi

Član 1.

Za lica sa prijavljenim mjestom prebivališa na području općine Jablanica, koja se nalaze na medicinskom tretmanu hemodijalize, radi poboljšanja socijalnog statusa i uslova života, a prvenstveno pomoći u nabavci medikamenata utvrđuje se pravo na mjesečnu naknadu (pomoć).

**Član 2.**

U Budžetu-Proračunu Općine Jablanica za 2023. godinu, za namjenu iz tačke 1. ove Odluke je predviđen iznos od 8.500,00 KM, to jest mjesečno 708,30 KM.

U toku budžetske 2023. godine sredstva će se ravnomjerno raspoređivati na korisnike, tako da će se mjesečne naknade će se isplaćivati u jednakim dijelovima u skladu sa raspoloživim budžetskim sredstvima određenim za ovu namjenu.

Član 3.

Za realizaciju ove Odluke zadužuju se:

- Služba za opću upravu, društvene djelatnosti, boračko-invalidsku zaštitu, socijalna pitanja i zajedničke poslove koja će pratiti realizaciju ove Odluke,
- Služba za lokalni ekonomski razvoj i investicije, finansije i trezor koja će mjesečne tranše iz ove Odluke uplaćivati svakog mjeseca do 15-tog u mjesecu za tekući mjesec na transakcijski račun JU Centar za socijalni rad općine Jablanica,
- JU Centar za socijalni rad općine Jablanica koji će vršiti obračun i isplate naknada licima su na medicinskom tretmanu hemodijalize .

Član 4.

Budžetska pozicija sa koje će se realizovati ova Odluka je konto 614000 tekući transferi i drugi tekući rashodi u Budžetu-Proračunu Općine Jablanica za 2023. godinu-podrška sugrađanima (hemodijaliza).

Član 5.

Ova Odluka stupa na snagu danom objavljivanja u „Službenom glasniku Općine Jablanica“, a primjenjivat će se u budžetskoj 2023. godini.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE

Broj:02-02-238-10/23-25
Jablanica, 31.01.2023.g

PREDSJEDAVAJUĆI OV-a
Emir Muratović,BA ing.građ.,s.r.

Na osnovu člana 66. Zakona o građevinskom zemljištu («Službene novine FBiH», broj: 25/03, 67/05), člana 41. stav 2. Odluke o građevinskom zemljištu («Službeni glasnik općine Jablanica», broj: 14/19) i člana 18. Statuta Općine Jablanica («Službeni glasnik općine Jablanica», broj: 2/09, 8/16 i 2/20), Općinsko vijeće Jablanica, na 25. redovnoj sjednici održanoj dana 31.01.2023. godine, d o n i j e l o j e

ODLUKU**o utvrđivanju prosječne konačne građevinske cijene iz prethodne godine 1 m² korisne stambene površine na području općine Jablanica****Član 1.**

Utvrđuje se prosječna konačna građevinska cijena 1 m² korisne stambene površine na području općine Jablanica u posljednjem kvartalu 2022. godine u iznosu od **850,00 KM** (osamstotinapadeset konvertibilnih maraka).

Član 2.

Ova Odluka stupa na snagu danom objavljivanja u «Službenom glasniku Općine Jablanica».

Član 3.

Stupanjem na snagu ove Odluke, prestaje da važi Odluka Općinskog vijeća Jablanica o utvrđivanju prosječne konačne građevinske cijene 1 m² korisne stambene površine na području Općine Jablanica broj: 02-02-205-9/22-14 od 27.01.2022. godine.



Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-238-11/23-25
Jablanica, 31.01.2023.g

PREDSJEDAVAJUĆI OV-a
Emir Muratović,BA ing.građ.,s.r.

Na osnovu člana 63. stav 1. Zakona o građevinskom zemljištu («Službene novine FBiH», broj: 25/03, 67/05) i člana 18. Statuta Općine Jablanica («Službeni glasnik općine Jablanica» broj: 2/09, 8/16 i 2/20), Općinsko vijeće Jablanica, na 25. redovnoj sjednici održanoj dana 31.01.2023. godine, d o n i j e l o j e

ODLUKU o utvrđivanju visine naknade za preuzeto građevinsko zemljište

Član 1.

Ovom Odlukom utvrđuje se visina naknade za građevinsko zemljište u državnom i privatnom vlasništvu koje se preuzima, odnosno ekspropriše od ranijih vlasnika na području Općine Jablanica u 2023. godini.

Član 2.

Visina naknade za građevinsko zemljište iz člana 1. ove Odluke određuje se u skladu sa članom 53. Zakona o eksproprijaciji Federacije BiH («Službene novine FBiH», broj: 70/07, 36/10, 25/12 i 34/16) prema prosječnoj tržišnoj vrijednosti u novcu, u zavisnosti od zone građevinskog zemljišta Općine Jablanica.

ZONA	Tržišna vrijednost u KM
I	35,00
II	25,00
III	16,00
IV	12,00
V	5,00
VI	3,00

Odlukom o građevinskom zemljištu («Službeni glasnik Općine Jablanica», broj: 14/19), utvrđene su zone građevinskog zemljišta u Općini Jablanica.

Član 3.

U kompleksnijim slučajevima Službi za upravu za geodetske, imovinsko-pravne poslove i katastar nekretnina ostaje mogućnost angažovanja stalnog sudskog vještaka odgovarajuće struke, vodeći računa o položaju zemljišta i stambenim zonama u kojima se zemljište nalazi.

Član 4.

Ova Odluka stupa na snagu danom objavljivanja u «Službenom glasniku Općine Jablanica».

Član 5.

Stupanjem na snagu ove Odluke, prestaje da važi Odluka o utvrđivanju visine naknade za preuzeto građevinsko zemljište broj: 02-02-205-10/22-14 od 27.01.2022. godine.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-238-12/23-25
Jablanica, 31.01.2023.g

PREDSJEDAVAJUĆI OV-a
Emir Muratović,BA ing.građ.,s.r.



Na osnovu člana 18. Statuta općine Jablanica («Službeni glasnik općine Jablanica», broj:2/09, 8/16 i 2/20) i člana 36. Poslovnika o radu Općinskog vijeća Općine Jablanica («Službeni glasnik općine Jablanica», broj: 4/09, 7/10, 7/15 i 8/16), Općinsko vijeće Općine Jablanica na 25. sjednici održanoj dana 31.01.2023. godine, donosi

ODLUKU
o izmjeni Odluke o imenovanju
Komisije za izbor, imenovanja i mandantno-imunitetska pitanja

I

Član I Odluke o imenovanju Komisije za izbor, imenovanja i mandantno – imunitetska pitanja („Službeni glasnik Općine Jablanica“, broj: 1/21) mijenja se na način da pod tačkom 1. umjesto „Kemal Muratović, predsjednik“ stoji „Mirela Kovačević, predsjednik“.

II

Ova Odluka stupa na snagu danom donošenja i objavit će se u „Službenom glasniku općine Jablanica“.

Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE

Broj:02-02-238-2/23-25
Jablanica, 31.01.2023.g

PREDSJEDAVAJUĆI OV-a
Emir Muratović,BA ing.građ.,s.r.

Na osnovu člana 50. Zakona o komunalnim djelatnostima („Službene novine HNK“, broj 4/16), člana 16. Odluke o komunalnim djelatnostima („Službeni glasnik Općine Jablanica“, broj 4/18) i člana 18. Statuta općine Jablanica („Službeni glasnik Općine Jablanica“, broj 2/09, 8/16 i 2/20), na 25. sjednici Općinskog vijeća Jablanica održanoj dana 31.01.2023. godine, donosi se:

ODLUKA
o izmjenama Odluke o komunalnoj naknadi

Član 1.

Član 34. u stavu 2. i 3.. Odluke o komunalnoj naknadi (Službeni glasnik općine Jablanica br. 14/19, 1/21 i 2/22) mijenja se i glasi :

(2) *U zoni I i II za stambene objekte odgađa se obaveza plaćanja komunalne naknade do 2024. godine.*

(3) *U zoni I i II za poslovne objekte odgađa se obaveza plaćanja komunalne naknade od dana nastanka obaveze do 2024. godine.*

Član 2.

Ova Odluka stupa na snagu danom objavljivanja u „Službenom glasniku Općine Jablanica“.

Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE

Broj:02-02-238-16/23-25
Jablanica, 31.01.2023.g

PREDSJEDAVAJUĆI OV-a
Emir Muratović,BA ing.građ.,s.r.



Na osnovu člana 18. Statuta Općine Jablanica („Službeni glasnik Općine Jablanica“, broj: 2/09, 8/16 i 2/20), člana 22. Odluke o izvršenju Budžeta – Proračuna Općine Jablanica za 2023. godinu, (Službeni glasnik općine Jablanica broj 10/22), člana 38. Odluke o sportu općine Jablanica („Službeni glasnik općine Jablanica“, broj: 4/17) i člana 17. Pravilnika o kriterijima za sufinansiranje javnog interesa u oblasti sporta iz Budžeta općine Jablanica („Službeni glasnik Općine Jablanica“, broj: 6/22), Općinsko vijeće na svojoj 25. sjednici, održanoj dana 31.01.2023. godine, donijelo je

ODLUKU o finansiranju sporta u općini Jablanica za 2023.godinu

Član 1.

Ovom Odlukom utvrđuju se uslovi i način finansiranja sporta na području Općine Jablanica, za 2023. godinu.

Član 2.

Sredstva iz člana 1. ove Odluke obezbjeđena su u Budžetu - Proračunu Općine Jablanica za 2023. godinu na poziciji Tekući transferi neprofitnim organizacijama-Transfer za sport.

Član 3.

Sredstva za sportske klubove/udruženja će se doznacavati u dvanaest jednakih mjesečnih tranši, u skladu sa odredbama važećeg Pravilnika o kriterijima za sufinansiranje javnog interesa u oblasti sporta, na način:

Pravo na raspodjelu imaju sljedeća udruženja građana:

Red.broj	Klub/udruženje	Ukupno po zahtjevima klubova osno.troš/KM	177.000,00/208.262,30 Koeff.za obračun 0,849889778	Mjesečna tranša 1/12
1.	FK "TURBINA" JABLANICA	79.593,00	67.645,30	5.637,11
2.	RK "TURBINA" JABLANICA	36.773,00	31.252,90	2.604,41
3.	KK "TURBINA" JABLANICA	37.564,00	31.925,30	2.660,44
4.	OK "TURBINA" JABLANICA	17.560,00	14.924,00	1.243,67
5.	MNK "PIONIR" JABLANICA	14.894,80	12.658,90	1.054,91
6.	PSD "VILINAC" JABLANICA	4.795,50	4.075,60	339,63
7.	RONILAČKI KLUB "JABLANICA"	3.004,20	2.553,30	212,78
8.	KK "GAZIJA" JABLANICA	5.223,10	4.439,10	369,93
9.	KDT "SIDRO" OSTROŽAC	4.077,40	3.465,40	288,78
10.	UG „ZAČEPI I TRČI“ Doljani Jablanica	4.777,30	4.060,20	338,35
	SVEUKUPNO	208.262,30	177.000,00	14.750,00



Član 4.

Raspodjela sredstava po ovoj Odluci utvrđena je na osnovu Odluke Općinskog načelnika o finansiranju sporta u općini Jablanica u 2023. godini.

Član 5.

Iz sredstava u Budžetu - Proračunu Općine Jablanica za 2023. godinu na poziciji Tekući transferi neprofitnim organizacijama-Transfer za sport, u iznosu od 23.000,00 KM će se uplaćivati na sljedeći način, i to:

- a) zakupnina dvorane za klubove -7%14.000,00 KM
- b) troškovi ljekarskih pregleda - 4%.....8.000,00 KM
- c) sredstva rezervi (za nepredviđene troškove) - 0,50 %.....1.000,00 KM

Sredstva predviđena za zakupninu dvorane i ljekarske preglede uplaćivati će se davaocima usluga po zaključenim posebnim sporazumima izvršioaca usluga sa općinom Jablanica, a sredstva rezervi (za nepredviđene troškove) odobrava Općinski načelnik posebnim odlukama, na prijedlog Vijeća za implementaciju.

Član 6.

Zadužuju se Služba za opću upravu, društvene djelatnosti, boračko-invalidsku zaštitu, socijalna pitanja i zajedničke poslove i Služba za lokalni ekonomski razvoj i investicije, finansije i trezor za realizaciju i praćenje utroška sredstava transfera odobrenog za sport, a prema Pravilniku o kriterijima za sufinansiranje javnog interesa u oblasti sporta iz Budžeta- Proračuna Općine Jablanica („Službeni glasnik Općine Jablanica“, broj: 6/22).

Član 7.

Ova Odluka stupa na snagu danom objavljivanja u „Službenom glasniku Općine Jablanica“.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE

Broj:02-02-238-17/23-25
Jablanica, 31.01.2023.g

PREDSJEDAVALAČI OV-a
Emir Muratović,BA ing.građ.,s.r.

Na osnovu člana 7. stav 4. Zakona o vodama («Službene novine HNK», broj: 6/13) i člana 18. Statuta općine Jablanica («Službeni glasnik Općine Jablanica» broj 2/09, 8/16 i 2/20) postupajući po zahtjevu Mešić (Mehe) Alem iz Jablanice, Općinsko vijeće Jablanica na 25. sjednici održanoj dana 31.01.2023. godine, donijelo je

ZAKLJUČAK

1. **ODBIJA SE PONUDA** Mešić (Meho) Alema, iz Jablanice, za kupovinu zemljišta, koju je podnio Općinskom vijeću Jablanica, podneskom broj: 05-27-23/23 od 11.01.2023. godine i kojom Općini Jablanica nudi neizgrađeno zemljište označeno kao:

- k.č.broj: **401**, zvana „Tuk“, u naravi njiva 3. klase, površine 1334 m², upisano u katastarsko-knjižni i zemljišno-knjižni uložak broj 571 K.O. Dragan Selo, vlasništvo Mešić (Meho) Alema sa 1/1 dijela,

uz ponuđenu cijenu u ukupnom iznosu od 12.500,00 KM (slovima: dvanaesthiljadapetstotina konvertibilnih maraka).

2. Ponuda imenovanog se odbija iz razloga što trenutno ne postoji interes Općine za kupovinu navedenog zemljišta.



O b r a z l o ž e n j e

Podneskom broj: 05-27-23/23 od 11.01.2023. godine Mešić (Mehe) Alem iz Jablanice, obratio se Općini Jablanica, sa ponudom kojom nudi da Općina Jablanica na osnovu prava preče kupnje otkupi zemljište označenog kao k.č. broj 401 K.O. Dragan Selo, po cijeni od 12.500,00 KM.

Uz zahtjev je priložen zemljišno-knjižni izvadak broj 056-0-NAR-23-000 161 od 10.01.2023. godine, Izvod iz katastarsko-knjižnog uloška broj 571 K.O. Dragan Selo od 10.01.2023. godine, Kopija katastarskog plana broj 05/6-26-2-34/2023-2 od 09.01.2023. godine i dokaz o uplati takse.

Uvidom u priloženi zemljišno-knjižni izvadak utvrđeno je da je u „C“ Listu zemljišno-knjižnog uloška broj 571 K.O. Dragan Selo, upisana zabilježba statusa vodnog dobra na parceli broj 401 K.O. Dragan Selo odnosno na osnovu Rješenja Ministarstva poljoprivrede, šumarstva i vodoprivrede HNK broj UP/I-11-05-27-18/20 od 30.01.2020. godine, kojim se određuje granica vodnog dobra za površinske vode II kategorije na području općine Jablanica i to za vodotok Glogošnice, Draganske rijeke, Šanice i Ravančice, dozvoljava se upis zabilježbe statusa vodnog dobra, kao i upis zabilježbe da u slučaju prodaje zemljišne čestice koja se nalazi unutar granice vodnog dobra, a koja je u vlasništvu pravnog ili fizičkog lica, pravo preče kupnje ima Općina Jablanica.

Naime, članom 7. stav 4. Zakona o vodama («Službene novine HNK», broj: 6/13), propisano je da u slučaju prodaje zemljišne čestice u vlasništvu pravne ili fizičke osobe koja pripada vodnom dobru za površinske vode II. kategorije, pravo preče kupnje ima grad/općina.

Uzimajući u obzir činjenicu da za otkup navedenog zemljišta, za sada ne postoji interes Općine, Općinsko vijeće Jablanica, na sjednici održanoj dana 31.01.2023. godine, odbilo je dostavljenu ponudu i rješilo kao u dispozitivu ovog Zaključka.

POUKA O PRAVNOM LIJEKU: Protiv ovog Zaključka nije dozvoljena žalba, ali se može pokrenuti upravni spor pred nadležnim Kantonalnim sudom u Mostaru, u roku od 30 dana od dana prijema ovog Zaključka.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-238-13/23-25
Jablanica, 31.01.2023.g

PREDSJEDAVAJUĆI OV-a
Emir Muratović,BA ing. građ.,s.r.

Na osnovu člana 27. stav 2. i 3. Zakona o stvarnim pravima («Službene novine FBiH», broj: 66/13 i 100/13) i člana 18. Statuta općine Jablanica («Službeni glasnik Općine Jablanica», broj: 2/09, 8/16 i 2/20) postupajući po zahtjevu Kadić (Ramo) Ismaila iz Konjica i Kadić (Ramo) Nuhana iz Glodnice, općina Jablanica, Općinsko vijeće Jablanica, na 25. sjednici održanoj dana 31.03.2023. godine, donijelo je:

Z A K L J U Č A K

1. ODBIJA SE PONUDA Kadić (Ramo) Ismaila iz Konjica i Kadić (Ramo) Nuhana iz Glodnice, općina Jablanica, za otkup suvlasničkog dijela neizgrađenog zemljišta, koju su podnijeli Općinskom vijeću Jablanica, podneskom broj: 05-27-3-48/23 od 20.01.2023. godine i kojom Općini Jablanica nude neizgrađeno zemljište označeno kao:

- k.č.broj: 1882/1, zvana „Sabadanj”, u naravi šuma 4. klase, površine 329 m², upisano u katastarsko-knjižni i zemljišno-knjižni uložak broj 224 K.O. Mrakovo, suvlasništvo Općina Jablanica sa 1/5 dijela, Kadić (Ramo) Ismail i Kadić (Ramo) Nuhan sa po 2/5 dijela;



uz ponuđenu cijenu u ukupnom iznosu od 3.000,00 KM (slovima: tri hiljade konvertibilnih maraka) za svoj suvlasnički dio.

2. Ponuda imenovanih se odbija iz razloga što trenutno ne postoji interes Općine za otkup navedenog zemljišta.

3. Ponuđačima nekretnine iz tačke 1. ovog Zaključka omogućava se prenos prava koja posjeduju na navedenoj nekretnini na treća lica po istoj ili većoj cijeni od ponuđene, shodno odredbama člana 27. stav 4. Zakona o stvarnim pravima.

O b r a z l o ž e n j e

Podneskom broj: 05-27-3-48/23 od 20.01.2023. godine, Kadić (Ramo) Ismail iz Konjica i Kadić (Ramo) Nuhan iz Glodnice, općina Jablanica, obratili su se Općini Jablanica, kojim nude da Općina Jablanica otkupi suvlasnički udio zemljišta označenog kao k.č. broj 1882/1 K.O. Mrakovo po cijeni od 3.000,00 KM, za svoje suvlasničke udjele.

Uz zahtjev je priložen zemljišno-knjižni izvadak broj: 056-0-NAR-22-005 172 od 05.09.2022. godine (ovjerena fotokopija) i kopija katastarskog plana broj: 05/6-26-2-296/2022-2 od 03.06.2022. godine (ovjerena fotokopija).

Članom 27. stav 3. Zakona o stvarnim pravima propisano je da suvlasnik koji ima namjeru prodati svoj suvlasnički dio dužan je putem preporučene pošiljke po pravilima parničnog postupka o dostavi ili putem notara obavijestiti druge suvlasnike o tome navodeći tačne zemljišnoknjižne i katastarske podatke nekretnine, cijenu i ostale uvjete prodaje, dok je stavom 4. istog člana propisano da ako ponuđeni suvlasnici ne obavijeste ponudioca na isti način na koji je učinjena ponuda u roku od 30 dana od dana prijema ponude, suvlasnik može prodati svoj dio drugoj osobi, ali ne po nižoj cijeni ili povoljnijim uslovima.

Uzimajući u obzir činjenicu da za otkup navedenog zemljišta, za sada ne postoji interes Općine, Općinsko vijeće Jablanica, na sjednici održanoj dana 31.01.2023 godine, odbilo je dostavljenu ponudu i rješilo kao u dispozitivu ovog zaključka.

POUKA O PRAVNOM LIJEKU: Protiv ovog Zaključka nije dozvoljena žalba, ali se može pokrenuti upravni spor pred nadležnim Kantonalnim sudom u Mostaru, u roku od 30 dana od dana prijema ovog Zaključka.

Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE

Broj:02-02-238-14/23-25
Jablanica, 31.01.2023.g

PREDSJEDAVAJUĆI OV-a
Emir Muratović,BA ing.građ.,s.r.

Na osnovu člana 42. Odluke o prodaji i davanju u zakup poslovnih prostorija („Službeni glasnik općine Jablanica“, broj 2/06, 1/17, 4/19 i 2/21) u vezi sa članom 7. Odluke o načinu korištenja poslovnih prostorija Službeni glasnik općine Jablanica“, broj 2/06) i člana 41. Statuta općine Jablanica („Službeni glasnik općine Jablanica“, broj 2/09, 8/16 i 2/20), Općinski načelnik, donosi:

O D L U K U **O NAČINU KORIŠTENJA POSLOVNIH PROSTORIJA**

Član 1.

Ovom Odlukom određuje se način korištenja dva (2) poslovna prostorija u Sportskoj dvorani Jablanica, ulica Željeznička, i to:



Red. broj	Opis	Numerizacija po Glavnom projektu	Broj parcele	Površina	K.O.
1.	Poslovni prostor u prizemlju Sportske dvorane (rau –bau)	11	1967/4	80,00 m ²	Jablanica
2.	Poslovni prostor u prizemlju Sportske dvorane (rau –bau)	12	1967/4	80,00 m ²	Jablanica

Član 2.

Poslovni prostori iz člana 1. ove Odluke dodjelit će se u zakup za poslovne sadržaje tihe djelatnosti, koji su kompatibilni sa sadržajima sportskog centra.

Član 3.

Tlocrtna skica poslovnih prostorija u objektu Sportska dvorana sa numeracijom polovnih objekata je sastavni dio ove Odluke.

Član 4.

Odluka stupa na snagu nakon dobijanja saglasnosti Općinskog vijeća Jablanica, a objavit će se u Službenom glasniku općine Jablanica.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKI NAČELNIK
Broj:01-02-222/23
Jablanica, 23.01.2023.g.

OPĆINSKI NAČELNIK
Damir Šabanović s.r.

Na osnovu 18. Statuta općine Jablanica (“Službeni glasnik Općine Jablanica”, broj: 2/09, 8/16 i 2/20), Općinsko vijeće Jablanica na 25. sjednici održanoj dana 31.01.2023. godine, donijelo je:

ZAKLJUČAK**Član 1.**

Daje se saglasnost na Odluku o načinu korištenja poslovnih prostorija broj: 01-02-222/23 od 23.01.2023. godine.

Član 2.

Sastavni dio ovog Zaključka je Odluka o načinu korištenja poslovnih prostorija broj: 01-02-222/23 od 23.01.2023. godine.

Član 3.

Ovaj Zaključak stupa na snagu danom donošenja, a objavit će se u „Službenom glasniku Općine Jablanica“.



Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-238-15/23-25
Jablanica, 31.01.2023.g

PREDSJEDAVAJUĆI OV-a
Emir Muratović,BA ing.grad.,s.r.

Na osnovu 18. Statuta općine Jablanica ("Službeni glasnik Općine Jablanica", broj: 2/09, 8/16 i 2/20), Općinsko vijeće Jablanica na 25. sjednici održanoj dana 31.01.2023. godine, donijelo je:

ZAKLJUČAK

I

Općinsko vijeće Jablanica traži od JP Ceste Federacije BiH d.o.o Sarajevo da izvrše popravku radova izvedenih na sanaciji udarnih rupa i oštećenja na dionici magistralnog puta M17 kroz gradsku zonu u Jablanici.

II

Ovaj Zaključak stupa na snagu danom donošenja, a objavit će se u „Službenom glasniku Općine Jablanica“.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-238-1/23-25
Jablanica, 31.01.2023.g

PREDSJEDAVAJUĆI OV-a
Emir Muratović,BA ing.grad.,s.r.

Na osnovu člana 18. Statuta općine Jablanica ("Službeni glasnik općine Jablanica", broj: 2/09, 8/16 i 2/20), Općinsko vijeće Općine Jablanica, na 25. sjednici održanoj dana 31.01.2023. godine, d o n o s i

ZAKLJUČAK

I

Usvaja se Inicijativa Kluba vijećnika Đemal Macić i Amira Mursel-Čilić za izradu Odluke o proglašenju najbolje podružnice MZ i savjeta MZ Općine Jablanica.

II

Zadužuju se Općinski načelnik i nadležne službe da u narednih 90 dana, a u skladu sa članovima Poslovnika o radu Općinskog vijeća koji tretiraju oblast inicijative, pripreme i Općinskom vijeću Općine Jablanica predlože na razmatranje Odluku o proglašenju najbolje podružnice MZ i savjeta MZ Općine Jablanica.

III

Ovaj Zaključak stupa na snagu danom donošenja, a objavit će se u "Službenom glasniku Općine Jablanica".



Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-238-18/23-25
Jablanica, 31.01.2023.g

PREDSJEDAVAJUĆI OV-a
Emir Muratović,BA ing.građ.,s.r.

Na osnovu člana 18. Statuta općine Jablanica (“Službeni glasnik općine Jablanica”, broj: 2/09, 8/16 i 2/20), Općinsko vijeće Općine Jablanica, na 25. sjednici održanoj dana 31.01.2023. godine, d o n o s i

ZAKLJUČAK

I

Usvaja se Inicijativa Kluba vijećnika Đemal Macić i Amira Mursel-Čilić za izradu Odluke o izmjeni i dopuni Odluke o stipendijama Općine Jablanica.

II

Zadužuju se Općinski načelnik i nadležne službe da u narednih 90 dana pripreme i Općinskom vijeću Općine Jablanica predlože na razmatranje Odluku o izmjeni i dopuni Odluke o stipendijama Općine Jablanica.

III

Ovaj Zaključak stupa na snagu danom donošenja, a objavit će se u “Službenom glasniku Općine Jablanica”.

Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj:02-02-238-19/23-25
Jablanica, 31.01.2023.g

PREDSJEDAVAJUĆI OV-a
Emir Muratović,BA ing.građ.,s.r.